

## UGOVOR

o pružanju usluga jesenje faze obavezne preventivne sistematske deratizacije na području  
Kantona Sarajevo za 2017. godinu

### I – UGOVORNE STRANE

KANTON SARAJEVO, Ministarstvo zdravstva, ul.RDž.Čauševića br.1, Sarajevo koje zastupa  
ministrica Zilha Ademaj, dipl.oec.

(u daljem tekstu: **Naručilac**)

i

„SANITACIJA“ d.o.o. Sarajevo, ul. Malta br.17, Sarajevo, koju zastupa zamjenik direktora Šefik  
Pašagić, mr.dr.sci

(u daljem tekstu: **Izvršilac**)

### II – PREDMET UGOVORA

#### Član 1.

Predmet ovog Ugovora su usluge obavezne jesenje preventivne sistematske deratizacije na području  
Kantona Sarajevo za 2017. godinu.

Naručilac naručuje, a Izvršilac preuzima obavezu da za račun Naručioaca, prema uslovima i  
odredbama ovog Ugovora, Programa izvođenja obavezne preventivne sistematske deratizacije na  
području Kantona Sarajevo 2017. - 2019. godine, Odluke o izboru najpovoljnijeg ponuđača broj:  
17-14-8610-40 od 08.09.2017. godine i Okvirnog sporazuma broj: 10-14-33093/17 od 09.11.2017.  
godine, i na osnovu prihvaćene ponude Izvršioaca broj:13-20-04/17 od 05.05.2017. godine,  
zaprimiteljenje pod brojem 17-14-17989 od 08.05.2017. godine, izvrši usluge obavezne jesenje  
preventivne sistematske deratizacije na području Kantona Sarajevo za 2017. godinu.

#### Član 2.

Izvršilac se obavezuje da će usluge obavezne jesenje preventivne sistematske deratizacije provesti u  
sljedećim vremenskim intervalima:

- I etapu započeti odmah po potpisivanju ovog Ugovora i istu okončati najkasnije do 25.  
novembra 2017. godine
- II etapu okončati u roku od 10 dana, a najkasnije do 5. decembra 2017. godine.

U slučaju da Izvršilac ne izvrši usluge u definisanim rokovima, usljed vremenskih nepogoda u vidu  
sniježnih padavina ili poplava, iste će se obaviti nakon prestanka nepogoda, a najkasnije do 23.  
decembra 2017. godine.

### III – KVALITET I OBIM USLUGA

#### Član 3.

Izvršilac se obavezuje da će usluge iz člana 1. ovog Ugovora izvršiti u skladu sa Programom  
obavezne preventivne sistematske deratizacije, uz obavezno poštovanje važećih propisa, standarda i  
normativa koji su Zakonom regulisani za poslove sistematske deratizacije.

Izvršilac se obavezuje da će usluge obavezne jesenje preventivne sistematske deratizacije izvršiti  
prvenstveno na otvorenim i zatvorenim vodotocima, parkovima, grobljima, površinama koje nisu  
privedene urbanističkoj namjeni, saobraćajnicama, mostovima, otvorenim i zatvorenim

parkiralištima, trgovima, javnim nužnicima i drugim javnim mjestima na kojima postoji mogućnost zadržavanja i razmnožavanja glodara, s tim, da će nadzorni organ odrediti listu rizičnih lokacija koja će biti prioritet pri izvođenju navedenih usluga.

#### **Član 4.**

Izvršilac se obavezuje da će odmah po potpisivanju ovog Ugovora, a najdalje u roku od 5 (pet) dana od dana potpisivanja Ugovora, dostaviti Operativni plan izvođenja deratizacije i to: Koordinacionom odboru za praćenje organizacije i izvođenja deratizacije, JU Zavod za javno zdravstvo Kantona Sarajevo i Kantonalnoj upravi za inspeksijske poslove - Sanitarnoj inspekciji.

#### **Član 5.**

Za sve izvedene usluge sistematske deratizacije i kvalitet izvedenog ukupnog stanja u odnosu na važeće propise, Izvršilac je dužan o svom trošku, izraditi i Naručiocu dostaviti izvještaj sa dokaznom dokumentacijom o ispravnosti i kvalitet izvedenih usluga sistematske deratizacije, koja je uredno ovjerena od strane Nadzornog organa.

### **IV – NADZOR NAD PROVOĐENJEM DERATIZACIJE**

#### **Član 6.**

Stručni nadzor nad provođenjem usluga vršit će JU Zavod za javno zdravstvo Kantona Sarajevo, preko svog ovlaštenog lica (u daljem tekstu: Nadzorni organ). Nadzor nad izvođenjem usluga JU Zavod za javno zdravstvo Kantona Sarajevo će vršiti kontinuirano uz stalno prisustvo tokom izvođenja sistematske deratizacije. Upravni nadzor nad provođenjem deratizacije, te nadzor nad organizacijom i izvođenjem deratizacije vrši Sanitarna inspekcija.

### **V – GARANCIJA O KVALITETU**

#### **Član 7.**

Izvršilac daje garanciju na kvalitet izvedenih usluga, uz pružanje potpune garancije za ispravnost sredstava koja se koriste za sistemsku deratizaciju. Za korištena sredstava Izvršilac mora posjedovati odgovarajuću dokumentaciju, kojom u svakom trenutku može dokazati da je upotreba istih odobrena od strane nadležnih organa, te u odgovarajućim dozama bezopasnim za ljude.

#### **Član 8.**

U slučaju naknadne pojave nedostataka u kvalitetu izvedenih usluga, a u okviru ugovorom predviđenih usluga, Izvršilac je dužan da u roku od 24 (dvadesetčetiri) sata po pozivu Naručioca pristupi njihovom otklanjanju i iste odmah ukloni o svom trošku. U slučaju da se Izvršilac po pozivu Naručioca ne odazove u roku iz stava 1. ovog člana, Naručilac stiče pravo da za otklanjanje nedostataka angažuje drugog Izvršioca, a sve troškove snosi Izvršilac usluga.

#### **Član 9.**

U slučaju naknadne pojave nedostataka u kvalitetu izvedenih usluga, čijim bi izvođenjem bili ugroženi životi i zdravlje ljudi ili prouzrokovane veće materijalne štete, Izvršilac je dužan da otklanjanju nedostataka pristupi odmah po pozivu Naručioca. U slučaju da Izvršilac to izbjegava Naručilac će postupiti na način predviđen članom 8. ovog Ugovora.

## VI – CIJENA USLUGA

### Član 10.

Ugovorne strane su saglasne da će se izvršene usluge jesenje preventivne sistematske deratizacije fakturisati prema jedinačnim cijenama iz ponude Izvršioca broj:13-20-04/17 od 05.05.2017.godine, a po osnovu stvarno izvršenih usluga navedenih u Izvještaju Izvršioca i potvrđenom od strane nadzornog organa.

Ukupna vrijednost ovog Ugovora iznosi:

<b>Cijena bez PDV-a</b>	<b>85.467,40 KM,</b>
<b>PDV</b>	<b>14. 529,45 KM,</b>

**Ukupno sa PDV-om KM 99.996,85 KM**

Sastavni dio ovog Ugovora je: tenderska dokumentacija, ponuda Izvršioca broj:13-20-04/17 od 05.05.2017 godine, Odluka o izboru najpovoljnijeg ponuđača broj: 17-14-8610-40 od 08.09.2017. godine i Okvirni sporazum broj: 10-14-33093/17 od dana 09.11.2017.godine.

### Član 11.

Izvršilac nema pravo na promjenu ugovorenih jediničnih cijena, po bilo kom osnovu i u tom smislu utvrđene jedinične cijene, smatraju se fiksnim i nepromjenljivim.

## VII – NAČIN I USLOVI PLAĆANJA

### Član 12.

Naručilac će fakturisane usluge jesenje preventivne sistematske deratizacije platiti Izvršiocu u roku od 60 dana od dana ispostave fakture, ovjerene od nadzornog organa, uz priložen Izvještaj o utrošku sredstava i izvršenim uslugama od strane Izvršioca, kao i Izvještaj o stručnom nadzoru nad izvršenom deratizacijom od strane nadzornog organa.

### Član 13.

Ugovorne strane su sporazumne da Naručilac izvršene usluge plaća Izvršiocu na:

- račun broj: 134 470 10000028 63 – „ASA BANKE“ d.d. Sarajevo.

## VIII TRAJANJE UGOVORA

### Član 14.

Ovaj Ugovor stupa na snagu danom potpisivanja od strane ovlaštenih lica ugovornih strana i važi do 31.12.2017. godine.

### Član 15.

Izvršilac je kod izvršenja usluga odgovoran za:

- sprovođenje mjera tehničke zaštite tokom vršenja usluga,
- sigurnost objekta, stvari i ljudi za vrijeme vršenja usluga,
- sigurnost i zaštitu ljudi, stvari i susjednih objekata i prostora, a u pogledu mogućih posljedica uzrokovanih vršenjem usluga, a u skladu sa članom 20. Pravilnika o načinu obavljanja obavezne dezinfekcije, dezinsekcije i deratizacije (“Službene novine FBiH”, broj 30/16).

#### **Član 16.**

Izvršilac je obavezan vršenje predmetnih usluga prijaviti nadležnom opštinskom organu, u skladu sa važećim propisima.

### **IX PENALI I KAZNA**

#### **Član 17.**

Ukoliko Izvršilac ne otpočne poslove deratizacije u roku utvrđenom odobrenim planom deratizacije iz člana 2. ovog Sporazuma, Naručilac će za svaki dan zakašnjenja zaračunati 0,5% od ugovorene vrijednosti, a najviše do iznosa 5% ugovorene vrijednosti.

U slučaju da Izvršilac ne izvrši sve poslove u ugovorenom roku, Naručilac će za svaki dan prekoračenja ugovorenog i planom odobrenog roka, zaračunati 0,5% od iznosa neizvedenih radova, a najviše do iznosa 5% neizvedenih radova.

### **X DOKUMENTACIJA**

#### **Član 18.**

Izvršilac je u obavezi dostaviti Naručiocu bankovnu garanciju za dobro izvršenje posla, u roku od 15 (petnaest) dana od dana potpisivanja ovog ugovora, u protivnom ovaj ugovor se smatra ništavnim.

Prilikom pružanja ugovorom predviđenih usluga Izvršilac je dužan da na propisanim obrascima uredno evidentira sve izvršene usluge, koje potpisuje i odobrava nadzorni organ.

### **XI PRIJEM IZVRŠENIH USLUGA**

#### **Član 19.**

Prijem izvršenih usluga obavlja nadzorni organ iz člana 6. ovog Ugovora.

### **XII IZMJENA ODREDBI UGOVORA, RASKID UGOVORA**

#### **Član 20.**

Ugovorne strane su saglasne da se odredbe ovog Ugovora mogu mijenjati sporazumno u pisanoj formi i kao takav dokument čini sastavni dio ovog Ugovora. Mijenjanje odredbi ovog Ugovora je moguće samo ukoliko te izmjene nisu u suprotnosti sa uslovima koji su definisani i prihvaćeni tokom provođenja postupka javne nabavke, odnosno odredbama Okvirnog sporazuma.

#### **Član 21.**

U slučaju da jedna od ugovornih strana ne izvršava svoje obaveze u cjelosti ili ih izvršava djelomično i ukoliko takvim neizvršavanjem obaveza čini štetu drugoj ugovornoj strani, druga ugovorna strana stiče pravo na jednostrani raskid Ugovora i naplatu nastale štete.

### XIII PRELAZNE I ZAVRŠNE ODREDBE

#### Član 22.

U slučaju spora po ovom Ugovoru, ugovorne strane su dužne isti sporazumno riješiti, a u protivnom saglasne su da prihvataju nadležnost suda u Sarajevu.

#### Član 23.

Ovaj ugovor sačinjen je u 4 (četiri) istovjetna primjerka od kojih po 2 (dva) primjerka za svoje potrebe zadržava svaka ugovorna strana.

<p><b>IZVRŠILAC:</b> „SANITACIJA“ d.o.o. Sarajevo ZAMJENIK DIREKTORA</p> <p>Mr.dr.sci.epidemiologije Šefik Pašagić</p>	<p><b>NARUČILAC:</b> KANTON SARAJEVO Ministarstvo zdravstva MINISTRICA Zilha Ademi, dipl.oec.</p>
--	---

Broj: 106-10/17  
Sarajevo: 13.11.2017.



Broj:10-14-33094/17

Sarajevo, 09.11.2017 godine